

第一編

三

禹貢集成

中國歷史地理文獻輯刊

上海交通大學出版社

上海交通大学出版社

中國
歷史地理
文獻輯刊

禹貢集成

第一編

禹貢集成

本冊目錄

禹貢集成(三)

禹貢古今合註

夏書禹貢廣覽

禹貢通解

九州山水考

禹貢方域考

禹貢長箋

禹貢會箋

五四五

三三五

三〇一

二六三

一七九

二五一

一

(明) 夏允彝 撰

禹貢古今合註

明末刻本

序

今天下之大患在於國貧而國之所繇貧者田功之不治水利之不脩也咎者夏后氏隨山桑木薄海內外靡不周也而漢司馬遷曰禹通九道陂九澤度九山然河菑衍溢害中國也尤甚唯是爲務以是知禹之用功多而防患深者莫黃河若也禹貢言治水

也而其究曰庶土交正底慎財賦咸則三壤成賦中國言治賦也卽禹之自稱曰濬畎澮距川暨稷播奏繇是觀之禹之所以驅害者在於治江河之大水其所以成利者在於治溝洫之小水也自河失故道日以橫决而冀豫徐兗之區民若履冰而處蓋數千百年而靡定也自秦廢阡陌

而周禮渚防溝遂列澗之屬
蕩然無餘卽後世陂池塘灘
之削其入凸而事亦旋廢矣
故西北之荒蕪者半天下至
於

國家歲費數十百萬之資漕荆
揚之粟以給京師而西北邊
萬餘里皆仰灌輸於內凡轉
運所輦商賈所販自京師而
東則循灤薊抵榆關或自直

沽走遼碣稍北則牛車負載
出居庸繇龍固以給宣雲稍

西則自大河以北浮漳衛度
太行達晉陽又西則浮河入

渭或自武牢洛口或南繇武

開通褒斜道以澹關中遠轉
北河西至涼部大約三十鍾
致一石哉以致民旣恃漕益
媿惰不治生業此其大患也
黃河旣已日決而南與淮同

究豫之地被禍益烈勢惟有

縱其所如使還故道而東南

之漕又必假道於河堤之防

之以使之必出於是不能免

於決而中州徐淮之民病矣

也又因轉運而河益不治豈

非盡失古人之意哉今人主

之所急莫大于強兵欲強兵

莫先於富國欲富國莫若盡

地利盡地利莫先於治水治

絕河而北又竭泉源以充會通而東省病矣始也因田功廢而恃轉運旣也恃轉運而田功益廢其初因轉運而亟治河旣也因治河而滯運卒

水之道古今則有異矣禹之時九州同溢患其泛濫而無所歸故必先治其大者而後溝澗可成田賦可定今也患於隱伏而不爲人用其淫溢

爲災者止黃河耳然西北之田功不立則漕不可省漕不可省勢不得不用河而河終

不可得而治矣故曰今日之治水必先治其小者而後大

者可理也夫天下之水莫大於江河禹之治河也勞於治江荆揚之田賦下於諸州而後世每藉大江以南衣食天下雖曰天時豈非人功哉夏

子嘗憤國家之貧弱思有以大振之而方今士大夫襲從容安苟且言及務農任地則以爲迂遠不近情實又或以管商之書儒者不道而一旦事急則鑄山榷商加稅鬻爵不復顧其後嗟乎禹貢則聖人治天下之書也管商云乎哉觀其制州列服任土作貢凡夭喬竹石之微骨革齒毛

之細靡不詳貫要其大端不過曰烝民乃粒萬邦作乂而已今夏子之書引伸觸類窮覽史傳博訪公卿山水之經郡國之誌無不採險要之區

泉澤之利無不載探奇攬勝之迹物產方俗之異無不記皆附見於經文之下可謂宏博而核矣夫薦紳先生知今而不知古則以爲古人之事

皆不可行學者狃於誦習又不能損益以合於時勢所以貴於通才也夏子之書備矣予獨論其事之最大爲當世所急者著于篇使世之覽者

有所本焉

社弟陳子龍題

凡例

余少侗愚每行道路輒迷往來長僭陳臥子出入見其留意博詢凡水泉之曲折塗徑之分歧必明晰而後已因念卽此是學欲作地里圖訪朱思本意爲之益增其所未備兼爲之說而于用兵險要水利屯田城池賦稅尤加詳焉其說闊遠非數年不能竣先舉其大略爲禹貢古今合註惟閩粵滇黔未入九州不能贅附餘已包舉大都方之註疏大全何敢比肩以爲用世之助亦庶幾云

禹貢自茅五芝先生彙註網羅備具可爲一代鴻典但意在博綜便于稽攷不便于誦讀重復渙散類不能免余融貫其意使前後成章閱者心目爲清與五芝先生相翼而不相背也至水利屯田邊防漕運尤詳其說旁及鹽法賦役無不推尋源流酌其利害此余意所獨存故語不厭詳焉漢時求治河輒使能治尚書者古人習經固將施之用也今治尚書者不乏人爲應舉之具而已問以水道蒙如雲霧豈窮經之謂乎然滄桑革易執古治今亦多不合余故于稽古之中尤詳攷今事如治河防海之類皆可見之施行名曰古今合註意益在此也

水經註固大地史也凡與經相翼者皆採拾靡遺麗言秀句亦不忍割又如貢物多奇輒旁搜逸乘至山川奇怪之說亦時載一二知爲識者所譏然欲廣見聞終不能書中收採甚博有載其名字者有取其說而遺其名者因融貫成篇達吾意而止故

不能一一詳載非敢攘爲已有也凡所詮釋皆本前人間有一二出自胸臆者然必得之諮詢余特述之云爾若躬履山川必更有異同今故限于力矣後有同志當更爲余廣之

纂仲自識


禹貢古今合註

凡例

三禹貢集成

中國歷史地理
文獻輯刊

禹貢全圖



九州分野



禹貢九州古今省直隸分圖



